

禽虫典

禽蟲典第九十二卷

馬部彙考四

本草綱目 釋名

李時珍曰按許慎云馬武也其字象頭髦尾足之形牡馬曰騶音質曰兒牝馬曰騶曰騶曰草去勢曰騶一歲曰騶音注二歲曰駒三歲曰騶四歲曰騶音桃名色甚多詳見爾雅及說文梵書謂馬爲阿濕婆

集解

別錄曰馬出雲中陶弘景曰馬色類甚多入藥以純白者爲良其口眼蹄皆白者俗中時有兩三爾小小用則不必拘也李時珍曰別錄以雲中馬爲良雲中今大同府也大抵馬以西北方者爲勝東南者劣弱不及馬應月故十二月而生其年以齒別之在畜屬火在辰屬午或云在卦屬乾屬金馬之眼光照人全身者其齒最少光愈近齒愈大馬食杜蘅善走食稻則足重食鼠屎則腹脹食雞糞則生骨眼以僵蠶烏梅拭牙則不食得桑葉乃解挂鼠狼皮於槽則不食遇海馬骨則不行以豬槽

飼馬石灰泥馬槽馬汁著門並令馬落駒繫欄猴於廐辟馬病皆物理當然耳

肉氣味

肉以純白牡馬者爲良

辛苦冷有毒

孟詵曰有小毒陳士良曰有大毒孫思邈曰無毒日華曰只堪煮食餘食難消漬

以清水搗洗血盡乃煮不然則毒不出患疔腫或曰以冷水煮之不可蓋蓋張鼎凡馬生角馬無夜眼白馬青蹄白馬黑頭者並不可食令人癩馬鞍下肉色黑及馬自死者並不可食殺人馬黑脊而斑臂者尤不可食蕭炳曰患痢生疥人勿食必加劇姪婦食之令子過月乳母食之令子疳瘦孟詵曰同倉米蒼耳食必得惡病十有九死同薑食生氣嗽同豬肉食成霍亂食馬肉毒發心悶者飲清酒則解飲濁酒則加陶弘景曰秦穆公云食驥馬肉不飲酒必殺人李時珍曰食馬中毒者飲蘆朮汁食杏仁可解

主治

別錄曰傷中除熱下氣長筋骨強腰脊壯健強志輕身不飢作脯治寒熱痿痺李時珍曰煮汁洗頭

瘡白禿

響膏氣味

響項上也
白馬者良

甘平有小毒

主治

別錄曰生髮李時珍曰治面黧手足皴癩入脂澤用療偏風口喎僻

發明

李時珍曰按靈樞經云卒口僻急者頰筋有寒則急引頰移頰筋有熱則縱緩不收以桑鉤鉤之以生桑灰置坎中坐之以馬膏熨其急頰以白酒和桂末塗其緩頰且飲美酒噉炙肉爲之三拊而已靈樞無註本世多不知此方之妙竊謂口頰喎僻乃風中血脉也手足陽明之筋絡於口會太陽之筋絡於目寒則筋急而僻熱則筋緩而縱故左中寒則逼熱於右右中寒則逼熱於左寒者急而熱者緩也急者皮膚頑癢榮衛凝滯治法急者緩之緩者急之故用馬膏之甘平柔緩以摩其急以潤其痹以通其血脉用桂酒之辛熱急束以塗其緩以和其榮衛以通其經絡桑能治風痺通節竅也病在上者酒以行之甘以助之故飲美酒噉炙肉云

乳

李時珍曰漢時以馬乳造爲酒置桐馬之官謂桐撞而成也

氣味

甘冷無毒

孫思邈曰性冷利同魚鱸食作瘕

主治

別錄曰止渴治熱蘇恭曰作酪性溫飲之消肉

心主治

喜忘

別錄曰肘后方治心昏多忘牛馬豬鷄心乾之爲末酒服方寸匕日三則聞一知十孟詵

曰患痢人食馬心則痞悶加甚

肺主治

寒熱小兒莖萎掌禹錫曰小兒無莖萎疑誤李時珍曰按千金方無小兒二字

肝氣味

有大毒 陶弘景曰馬肝及鞍下肉殺人李時珍曰按漢武帝云食肉母食馬肝又云文成食馬肝而死韋莊云食馬留肝則其毒可知矣方家以豉汁鼠屎解之

腎

李時珍曰按熊太古翼越集云馬有墨在腎牛有黃在膽造物之所鍾也此亦牛黃狗寶之類當有功用惜乎前人不知漫記於此以俟

白馬陰莖修治

陳藏器曰凡收當取銀色無病白馬春月游牝時力勢正强者生取陰乾百日用雷斂曰用時以銅刀破作七片將生羊血拌蒸半日曬乾以粗布去皮及乾血挫碎用

氣味

甘鹹平無毒

主治

本經云傷中絕脉陰不起強志益氣長肌肉肥健生子別錄曰小兒驚癇孟詵曰益丈夫陰氣陰乾

古今圖書集成

同肉蓯蓉等分爲末蜜丸梧子大每空心酒下四十九日再百日見效甄權曰主男子陰痿房中術偏用之

駒胞衣主治

孫氏集效曰婦人天癸不通煨存性爲末每服三錢入麝香少許空腹新汲水下不過三日服良

眼氣味

平無毒

主治

別錄曰驚癇腹滿瘡疾蘇恭曰小兒魘病與母帶之

夜眼主治

李時珍曰卒死尸厥齟齬痛

牙齒氣味

甘平有小毒

主治

別錄曰小兒馬癩水磨服陳藏器曰燒灰唾和塗癰疽疔腫出根效

骨氣味

有毒

主治

孟詵曰燒灰和醋敷小兒頭瘡及身上瘡李時珍曰止邪瘡燒灰和油敷小兒耳瘡頭瘡陰瘡癰疽有漿如火灼敷乳頭飲兒止夜啼出小品外臺諸方

頭骨氣味

甘微寒有小毒

韓保昇曰大熱陳藏器曰頭骨埋於午地宜蠶浸於上流絕水螻蟻

主治

別錄曰喜眠令人不睡燒灰水服方寸匕日三夜一作枕亦良日華曰治齒痛燒灰敷頭耳瘡李時珍曰療馬汗氣入瘡痛腫燒灰敷之白汁出良

古今圖書集成
經骨氣味

甘寒無毒

主治

朱震亨曰煨存性降陰火中氣不足者用之可代黃芩黃連

懸蹄氣味

甘平無毒

甄權曰熱

主治

本經曰驚邪癰癰乳難辟惡氣鬼毒蠱注不祥別錄曰止衄內漏齩齒赤馬者治婦人赤崩白馬者治白崩蜀本曰主癰癰齒痛李時珍曰療腸癰下瘀血帶下殺蟲又燒灰入鹽少許摻走馬疳蝕甚良出鉤元諸方孟詵曰赤馬者辟溫瘧

皮主治

孟詵曰婦人臨產赤馬皮催生良李時珍曰治小兒赤禿以赤馬皮白馬蹄燒灰和臘猪脂敷之良

聖惠方

鬚毛氣味

有毒

主治

別錄曰小兒驚癇女子崩中赤白孫思邈曰赤用赤馬白用白馬日華曰燒灰服止血塗惡瘡

尾主治

李時珍曰女人崩中小兒客忤

發明

李時珍曰馬尾濟生方治崩中下灰散中用之又延壽書曰刷牙用馬尾令齒疎損近人多用燒灰揩拭最腐齒齦不可不知

腦氣味

有毒 孟詵曰食之令人癰

古今圖書集成

主治

孫思邈曰斷酒臘月者溫酒服之

血氣味

有大毒 孟詵曰凡生馬血入人肉中一二日便腫起連心卽死有人剝馬傷手血入肉一夜致死

汗氣味

有大毒 陶弘景曰患瘡人觸馬汗馬氣馬毛馬屎馬尿者並令加劇孟詵曰馬汗入瘡毒攻心欲死者燒粟幹灰淋汁浸洗出白沫乃毒氣出也嶺南有人用此得效

白馬溺氣味

辛微寒有毒

主治

別錄曰消渴破癰堅積聚男子伏梁積疝婦人瘕積銅器承飲之孟詵曰洗頭瘡白禿漬惡刺瘡日

十次愈乃止李時珍曰熱飲治反胃殺蟲

發明

李時珍曰馬屎治癰瘰有驗按祖台之志怪云昔有人與其奴皆患心腹痛病奴死剖之得一白鼈赤眼仍活以諸藥納口中終不死有人乘白馬觀之馬尿墮鼈而鼈縮遂以灌之卽化成水其人乃服白馬尿而疾愈此其徵效也反胃亦有蟲積者故亦能治之

白馬通

李時珍曰馬屎曰通牛屎曰洞猪屎曰零皆譚其名也凡屎必達脬腸乃出故曰通曰洞脬卽廣腸也

氣味

微溫無毒

主治

別錄曰止渴止吐血下血鼻衄金瘡出血婦人崩中徐之才曰敷頂止衄陳藏器曰絞汁服治產後

諸血氣傷寒時疾當吐下者孟詵曰治時行病起合陰陽垂死者絞汁三合日夜各二服又治杖瘡打損傷瘡中風作痛者炒熱包熨五十遍極效李時珍曰絞汁灌之治卒中惡死酒服治產後寒熱悶脹燒灰水服治久痢赤白和猪脂塗馬咬人瘡及馬汗入瘡剝死馬骨刺傷人毒攻欲死者出小品諸方

屎中粟主治

蘇恭曰主治金創小兒寒熱客忤不能食李時珍曰治小兒脅痛千金有馬通屎丸

馬絆繩主治

蘇恭曰煎水洗小兒爛李時珍曰燒灰摻鼻中瘡

東行馬蹄下土

陶弘景曰作方術可知女人外情李時珍曰淮南萬畢術云東行白馬蹄下土合三家井中泥置人臍下卽臥不能起也

附方

豌豆瘡毒馬肉煮清汁洗之

兵部手集

月水不通心膈滯悶四肢疼痛用赤馬肝一片炙研每食煎

熱酒服一錢通乃止

聖惠方

卒死尸厥用白馬前脚夜目二枚白馬尾十四莖合燒以苦酒丸如

小豆大白湯灌下二丸須臾再服即甦

時後方

蟲牙齲痛用馬夜眼燒如米大綿裹納孔中有涎吐

去永斷根源或加生附子少許

玉璣微義用馬夜眼燒存性敷之立愈

腸癰未成馬牙燒

灰鷄子白調敷之

千金方

疔腫未破白馬齒燒灰先以針刺破乃封之用濕麴圍腫處醋洗去之

根出大驗

時後方

赤根疔瘡馬牙齒搗末臘猪脂和敷根即出也燒灰亦可

千金方

蟲牙作痛

馬牙一枚煨熱投醋中七次待冷食之即止

唐鑑驗方

辟瘟疫氣絳袋盛馬骨佩之男左女右

時後方

方

胆虛不眠用馬頭骨灰乳香各一兩酸棗仁炒二兩為末每服二錢溫酒服

聖惠方

胆熱

多眠馬頭骨灰鐵粉各一兩硃砂半兩龍腦半分為末煉蜜丸梧子大每服三十丸竹葉湯下

聖惠方

賺瘡潰爛三四年馬牙匡骨燒研先以土窖過小便洗數次搽之

損傷瘀血在腹用白馬蹄燒

烟盡研末酒服方寸七日三夜一血化為水也

劉涓子鬼遺方

婦人血病方同上

五色帶下白馬

左蹄燒灰酒服方寸七日三

外臺祕要

腸癰腹痛其狀兩耳輪甲錯腹痛或遠臍有瘡如粟下膿血

用馬蹄灰和鷄子白塗卽拔毒氣出

千金方

蝨食肛爛見五臟卽死以猪脂和馬蹄灰綿裹導入

下部日數度癢

肘後方

齩齒疼痛削白馬蹄塞之不過三度

千金方

赤禿頭瘡出膿晝開夜合

馬蹄燒灰生油調塗

聖惠方

小兒夜啼馬蹄末敷乳上飲之

總錄

辟癘瘟疫以絳囊盛馬蹄屑

佩之男左女右

肘後方

小兒中馬毒客忤將馬尾燒烟於前每日熏之癢乃止

聖惠方

腹內蛇

癰白馬尾煨研細酒服初服五分一七次服三分一七更服二分一七不可頓服殺人

千金翼

黥

刺雕青以白馬汗搽上再以汗調水蛭末塗之

和子

飲酒欲斷刮馬汗和酒服之

千金方

肉癰

思肉用白馬尿三升飲之當吐肉出不出者死食髮成瘰癧中如有蟲上下是也白馬尿飲之佳

千金方

伏梁心積銅器盛白馬尿一升旦服之妙

小品

婦人乳腫馬尿塗之立愈

產寶

小兒赤疵生

身上者馬尿頻洗之

千金方

蟲牙疼痛隨左右含馬尿不過三五度癢

千金方

刮骨取牙白馬

尿浸茄科三日炒爲末點牙卽落或煎巴豆點牙亦落勿近好牙

鮑氏

狐尿刺瘡痛甚者熱白馬

尿漬之

千金方

痞塊心痛僵蠶末二錢白馬尿調服并敷塊上

摘元方

吐血不止燒白馬通以

水研絞汁一升服

梅師方

衄血不止錄驗用綿裹白馬尿塞之千金用赤馬尿絞汁飲一二升并

滴鼻中乾者浸水亦可

口鼻出血用赤馬糞燒灰溫酒服一錢

久痢赤白馬糞一丸燒

灰水服

方時後

卒中惡死吐利不止不知是何病不拘大人小兒馬糞一丸絞汁灌之乾者水煮

絞汁灌之亦可此扁鵲法也

方時後

攪腸沙痛欲死者用馬糞絞汁飲之立愈

經驗方

小兒卒

忤馬屎三升燒末以酒三斗煮三沸取汁浴兒避風

千金方

小兒軀啼面青腹強是忤客氣新馬

糞一團絞汁灌之

總錄

傷寒勞復馬屎燒末冷酒服方寸匕便驗

聖惠方

熱毒攻肢手足腫痛

欲脫以水煮馬屎汁漬之

外臺

風蟲牙痛白馬屎汁隨左右含之不過三口愈

聖惠方

鼻斃不

聞新馬屎汁含滿口灌入即通

聖惠方

筋骨傷破以熱白馬屎傅之無癰

千金方

疔腫傷風作

腫以馬屎炒熨瘡上五十遍極效

聖惠方

多年惡瘡或痛痒生贅用馬糞并齒同研爛敷上不過

數次武丞相在蜀時脛有瘡痒不可忍用此而瘥

兵部手集

諸瘡傷水或傷風寒痛劇用馬屎燒煙

熏令汗出愈

千金方

凍指欲墮馬糞煮水漬半日即愈

千金方

積聚脹滿白馬糞同蒜搗膏敷

患處效

活人心鏡

一切漏疾白馬通汁每服一升良

千金方

剝馬中毒被骨刺破欲死以馬腸中

粟屎搗敷以尿洗之大效絞汁飲之亦可

外臺祕要

野馬集解

李時珍曰按郭璞云野馬似馬而小出塞外今西夏甘肅及遼東山中亦有之取其皮爲裘食其肉云如家馬肉但落地不沾沙耳爾雅云驢如馬一角似鹿茸不角者騏也山海經云北海有獸狀如馬色青名曰騊駼此皆野馬類也

肉氣味

甘平有小毒

主治

孫思邈曰人病馬癰筋脉不能自收周痺肌肉不仁心鏡治上證用肉一斤豉汁煮熟入五味葱白作醃腊及羹粥頻食之白煮亦可

陰莖氣味

酸鹹溫無毒

主治